



Ohio

Deeqaha Waxbarashada Carruurnimada Hore

Waxaa laga yaabaa inaad u qalanto barnaamij la awoodi karo kaas oo uu diyaarin doonaa afar-sano jirkaada inuu ku guuleysto xanaanada carruurta.

Deeqda Waxbarashada Carruurnimada Hore waxay ka caawin kartaa ilmahaaga inay tagaan waxbarashada dugsiga barbaarinta oo tayo sare leh, barnaamijka Head Start, xarunta daryeelka carruurta, ama daryeelka carruurta ee guriga qoyska si uu diyaar ugu noqdo kindergarten-ka.

Deeqdaan waxay ka bixisaa qaar ka mid ah carruurta ka soo jeeda qoysaska dakhligoodu hooseeyo iyo ku nool meelaha uu dakhligoodu yar yahay in ay ka soo qeybgalaan. Lacagta waxaa si toos ah loo siinayaa dugsiga ama xarunta daryeelka carruurta - lagu magacaabo "barnaamijka." **Si aad ugu qalanto, ilmahaagu waa inuu yahay afar sanno jir bilowga sannad dugsiyeedka.**

Shaqada barnaamijka ayaa ah inay uga dhigaan ilmahaaga waxbarashada mid faraxad leh iyo inay siiyaan xirfadaha uu u baahan doono si uu diyaar ugu noqdo Xanaanada Carruurta.

Siddeeda Faa'iido ee Dugsiga Barbaarinta Tayada Sare Leh ee Ilmahaada

- 1. Ilmahaagu wuxuu diyaar u ah noqon doonaa kindergarten-ka.**
Carruurta qaarkood ayaan waligood helin macallin ama ka mid noqon koox caruur ah oo badan. Ilmahaagu wuxuu ku baran doona in wax la wadaago, qaataan markooda iyo raaco tilmaamaha. Taasi waa muhiim marka uu gaaro dugsiga barbaarinta (kindergarten)!
- 2. Ilmahaagu wuxuu yeelan doona xirfadaha bulshada iyo dareenka ee muhiimka ah.**
Macalimiintu waxay ka caawin doonaan carruurta inay bartaan sida loo isticmaalo waqtiga ay ka fog yihiin qoysaskooda. Ilmahaagu wuxuu baran doonaa sida loo xalliyo dhibaatooyinka. Wuxuu ku baran doona sida loo maareeyo dareenada sida murugada iyo cadhada.
- 3. Ilmahaagu wuxuu ka qeyb qaadan doona hawlaha loo qorsheeyay isagga kaliya.**
Macalimiinta ayaa qorsheeya hawlo badan. Ilmahaagu waxay awoodaan in ay doortaan kuwa iyadu ama isagga soo jiidan doona kara. Howlahaasi waxay ka caawin doonaan inay u koraan iyo u horumaraan siyaabo fara badan.
- 4. Ilmahaagu wuxuu noqon doonaa mid cajiib ah oo doonaya inuu wax barto.**
Macalimiinta ayaa la socon doonaa ilmahaaga iyo weydiin doona su'aalo ku saabsan waxa uu samaynayo ama waxa dhici doonaa. Su'aalahaan saaxiibtinimada ah waxay ka caawin doonaa isaga inuu ka fikiro dunida hareerahiisa.
- 5. Ilmahaagu wuxuu baran doonaan sida loo daryeelo naftooda iyo loo caawiyo dadka kalena.**
Ilmahaagu waxay ku baran doonaan sida loo nadiifiyo naftooda iyo loo caawiyo fasalka gudahiisa. Waxay ku baran doonaan in ay caawimaad weydiistaan marka ay u baahan yihiin iyo ka taxadaraan alaabtooda u goonida. Waxay ku baran doonaan sida loo caawiyo saaxiibka hadda baranaya wax ay iyagu horey u yaqaaniin.
- 6. Ilmahaagu waxay ku baran doonaan xisaabta hore iyo xirfadaha wax akhriska.**
Maalin kasta, ilmahaagu wuxuu ka qaybqaadan doonaa hawlaha kor loogu qaadayo xirfadahiisa barashada akhriska iyo xisaabta. Wuxuu ku ciyaari doona ciyaaro iyo xujooyin iyo eegaan doonaa buugaagta sawirka ah. Waxyaalahaasu waxay ka caawin isaga inuu xiiseeyo oo ku farxo iyo horumarinta jacaylka waxbarashada.
- 7. Ilmahaagu wuxuu yeelan doonaa xirfadaha dhaqdhaqaaqa.**
Carruurta yaryari had iyo jeer waa horay u socdan. Ilmahaagu waxay heli doonaan fursado ay ku ordaan, ku fuulaan iyo ku ciyaaraan ciyaaro firfircoon si loo hagaajiyo kartida jirkooda. Xirfadahooda dhaqdhaqaaquna wey kordhi doonaan iyadoo la isticmaalayo maqasyo, rinjiyeynta iyo gelinaya biin boorka.
- 8. Ilmahaagu wuxuu kordhin doonaa xirfadihiisa luqada iyo fikirka.**
Erayadda ilmaha - erayada uu isticmaali karo - waxay u kordhaan si dhakhso ah inta u dhaxeysay da'da 3 iyo 5 jirka. Macalimiintu waxay ku tusi doonaan ilmahaaga erayo cusub maalin kasta. Waxay ka caawin doonaan inuu hadalo iyo xalinta dhibaatooyinka. Waxay ka qaybgalinaya ilmahaaga hawlo gacan ku hayna oo dhisaya xirfadaha fekerka iyo sababaynta.

Si aad u ogaato wax dheeraada

Kala hadal barnaamijka aad jeclaan lahayd ilmahaaga inuu ka qaybgalo, ama booqo education.ohio.gov/earlylearning.

